


**Prestuhn Henry B. Eyring**

Mwet in Kahsrh Se Met ke  
Prestuhnsi Se Met



# Mihslac ke Moul Se Inge

**N**uh sesr kwewa suc moul facluh, tuh Mwet Lahngo El fahk, “Ke kowos muta faclu kowos ac keok” (John 16:33). Ne ohinge El sang olwelah se inge nuh sin mwet tuhma lutlut Lal ke kuhlwasncap Lal fin facluh ah: “Nga filiya misla yuruwos. Misla luk sifacna pa nga asot nu suwos. Nga tia asot oana ke faclu asot.” (John 14:27). Wo sihk in etuh lah olwelah in mihslac se inge ahkwot nuh sin mwet tuhma lutlut kwewa Lal mihsenge uh.

Kuhtuh sesr moul yen wolacna ac mihslac, tuhsruhkh puhlakihn elyah luhn insiyacsr. Kuhtuh puhla mihslac ac akwuck in pacl ma ongaiyac, wacngihnlac luhn sucu, ongaiyac ac tiac tui luhn mwe sruhf uh.

Sahp kom liye usrnguck luhn mihslac ye muhtuhn mwet tuhma lutlut luhn Jisus Kraist kuh lohng kaks kac. Nga liye pacl na puhs. Kuhtuh pacl uh lun infuckihl ke sie lohm ono uh pa yen sucu uh kakhweni sisen sie mwet kuhlwasncap luhn God ma fototoyang in misac uh.

Nga esam ke muhtwacta luhk yurin muhtwacn se in lohm ono uh lwen ekahsr met liki el misac ah. Nga us tuhkuh tuhlihk muhtwacn fuhsr luo nuhtihk in wiyuc mweyen tahmtahel se inge el tuh mwet luti lalos ke U luhn Tuhlihk Srihsrihk ac.

Mwet in sucu lal uh kakhweni siskacn mwe oan kiyacl uh, kena in weluhl in kihtin pacl sahflah lal fin facluh uh. Nga lut ke el kweyak muhta ke mwe oan kiyacl ah. El saplakwack nuh sin kwewana tuhlihk muhtwacn intihk ah ac ahkkahlwemyaclos, kais sie, nuh sin kais sie sucu lal ah. El tahfuh sruhluhn tuhlihk muhtwacn nuhtihk inge elos mwet leum sulkackihnyuck ye muhtuhn kasra. El sokwack luhmah se in fahk kais sie ma ke kais sie mwet ke infuckihl

sac ekihn mwet tuhma lutlut luhn Mwet Lahngo. Nga srack-na esam kuh, kuhlwasncg, ac luhng kuhlwasncg ke lihkihn puhsrwacl. Ac nga esam lut luhk ke isrwacsr na pwacr se lal ah el ne etuh lah pacl lal uh fototo na.

El eis tari mwe insewowo luhn pristut, ne ohinge el use nuh sesr kwewa mwe fahkwack ke luhlhlfongi moul lal lah olwelah ke mihslac luhn Leum pwacye: “Nga fahkot nu suwos ma inge tuh in oasr misla yuruwos ke kowos kupasrme nu sik. Ke kowos muta faclu kowos ac keok. Tusruktu kowos in pulaik na! Nga kutangla falu tari!” (John 16:33).

El inese nuh ke solsol Lal uh, oacna ke kuht nohfohn kuh uh, ke oacna sie ma upac ac fohs lasr uh:

“Fahsru nu yuruk, kowos su orekma ac totola, tuh nga fah sot mongla nu suwos.

“Eis srenenu luk nu fowos ac lutlut sik, tuh nga fakpap ac inse pusisel; ac kowos fah konauk mongla” (Matthew 11:28–29).

Ukweyanc Mwet Lahngo muhkweni pa sis oacna sie sesr kuh in konwacack mihslac ac akwuck ke mwe sruhf ma ac tuhkuh nuh sesr kwewa uh.

Pruhe ke sackracmacn uh kahsrwe kuht in etuh sukyanc mihslac sacn finne oasr ke elyah luhn moul uh. Ke kuht ipeis ke kuhfa luhn leum uh, kuht kuh in otwelah in oaru nuhke wuhlweacng lasr in Ukwac.

Kuht kais sie olwelah in esam Mwet Lahngo. Kom kuh in sulaclah in Esamuhl ke ohiyac ma wo sum sifacna ma fihsrwacsr in kohllah insiyom nuh Sel. Kuhtuh pacl uh sihk, pa in liyac ke nuhnak luhk uh ke El sikuck muhtuhnte ke Imac Gethsemane kuh in liyac ke El pahnglol

Lazarus in illac liki kuclyuck uh. Ke nga oruh uh, nga puhlakihn fototoeni luhk nuh Sel ac tarilacna se suc use mihsalac nuh insiyuck.

Kowos olwelah pac in karihngihn masap Lal uh. Kowos olwelah in eis Inel nuh fowos ac in mwet loh Lal. El olwelah muh ke kowos karihngihn olwelah lowos nuh Sel uh, Nguhn Muhtahl fah wi kowos. (Liye D&C 20:77, 79.)

Ma se inge use mihsalac ke inkacnek luo. Nguhn Muhtahl ahknwacsnwacsye kuht liki ma koluk ke srihpen Iwacalah luhn Jisus Kraist. Ac Nguhn Muhtahl kuh in use nuh sesr mihsalac suc tuhkuh ke lwelah sin God ac finsrak nuhke moul ma pahptaht.

Mwet Sap Paul el fahk ke mwe insewowo wolacna se inge: “A fahko lun Ngun pa lungse, engan, misla, mongfissrasr, kulang, orekma wo, oaru,” (Galatians 5:22).

Ke pweng sin lihpufacn yuckihn isusalac luhn Mwet Lahngo ah, elos fahk, “Wolana nu sin God in fulatlana, Ac *misla* fin faclu” (Luke 2:14; ahkuhtweyac wo ituck-yang). Nga fahkwack luhlahlfongi luhk ekihn sie mwet loh luhn Jisus Kraist lah Pahpah ac Wen Kuloh Nahtuhl kuh in suhpwacma Nguhn in lwelah nuh sesr in sokwack mihsalac ke moul se inge, finne kain in mwe srihkeyuck fah sun kuht ac elos suc kuht luhngse.

## LUTI KE PWENG SE INGE

Prestuhn Eyring el luti lah pruhe in kuhfa luhn leum uh kuh in kahsrwe kuht in konwacack mihsalac ke pac mwe sruhf nuh sesr uh. Elos ahkacsmakihnye kuht lah ke kuht karihngihn wuhlweacng lasr uh, olwelah luhn God oasr sesr muh Nguhn Muhtahl ac wi kuht. Motko in siyuck selos suc kom luti an ohihyac ma kolyuck luhn Nguhn Muhtahl nuh sesr uh kuh in kahsrwe kuht use mihsalac. Kom kuh pac in sruhmuhn nuhnac lom kuh sie ma kom puhlakihn ke ohiyac malah Nguhn Muhtahl kahsrwe kom puhla mihsalac ke sie mwe sruhf. Kom ac ahkkweyelos mwet kom luti an in motko mwe fahkwack se inge ke puhlan wik in kuhfa luhn Leum se inge.

© 2016 sel Intellectual Reserve, Inc. Kuh ac suwohs nuhkewewa ahkkweyeyucklac. Sihmlac fin acn USA. Ahkkweyeyucklac ke kahs English: 6/16. Ahkkweyeyucklac ke lweng: 6/16. Lwenglah luhn *First Presidency Message, December 2016*. Kosraean. 12872 868

## MWET FUHSR

### Kom ac Esam Fuhkah Mwet Lahngo ke Wik se Inge?

**P**restuhn Eyring el ahkkweye kuht in “sulaclah in esam [Mwet Lahngo] ke luhma ma lihksreni na eis nuhnkom nuh Sel.”

Kom “Esamuhl pac l nuhkewewa” fuhkah ke wik sacn (liye D&C 20:77, 79)?

Kuh oasr ma suhmuhslah ma kom luhngse emet ke Mwet Lahngo? Kom kuh in mahkiyac siena fuhs ke ma suhmuhslah ke kais sie lwen ac sruhmuhn kac nuh sin sie mwet ah.

Kuh kom onkihn on kuh kuhtwena on engan sahyac ma oasr insiyom in pac l kom suhpwacr uh? Sahp kom sulaclah soko on ma yohk na ma ke Mwet Lahngo ke wik se inge.

Kuh kom motko ke moul luhn Mwet Lahngo ac ke kihsac in iwacalah ke pac l in sackracmacn ke wik nuhkewewa? Kom kuh in ahkolah nuhke kuhfa luhn Leum uh ke esamyacn sulaclah lom ke wik sacn nohfohn in esam Mwet Lahngo pac l nuhkewewa ac in auliyac ke pac l kom tihkuclkucl.

Kuh kom pruhe tuh in oasr pac l in sruhmuhn ke wosasuc ke kais sie lwen? Srihke in oasr pac l in sruhmuhn ke wosasuc ke wik se inge in ma ke Mwet Lahngo. Kom kuh in fahkwack luhlahlfongi lom ke Mwet Lahngo ke ekuh in toeni luhn sucu kuh sramsram nuh sin sie kawuck ke acn in lutlut ah ke puhla lom ke alu uh.

Oraclah sie finsrak an in esam Mwet Lahngo ke ohiyac wowo ke wik se inge. Fahk nuh sin ninac pahpah an, ma wiyac, mwet kol, kuh sie kawuck ke finsrak lom uh. Ke kapihn wik sacn, sruhmuhn nuh selos lah meac sikyak. Kom ac puhla kwewa na mihsalac ac engan ma Prestuhn Eyring el fahk kac ah.

## TUHLIHK SRIHSRIHK

### Tuhkuh nuh yurin Kraist

**T**uh Leum El olwelah nuh sesr mihsalac ke kuht “tuku nu [Yohrohl]” (Matthew 11:28). Kalmac pa in ukwe srihkasrak Lal ac srihke in muhta fototo nuh Yohrohl.

- In efahl ke pac l in kuhfa luhn Leum.
- Sulaclah in kuhlweacng ac tiac nuhnukuh mwet sahyac.
- Riti ke Mwet Lahngo ke ma suhmuhslah an.



# Engan in Sucu Konweyuckyak ke Suwohswohs uh

*Pruhe in luthutkihñ kuhfa se inge ac suk kolyuck in etuh ma in akacsruhi kac. In kahlwem ke “Sucu: Sie Mwe Fahkwack nuh fin Facluh” ac ahkyohkye fuhkah luhlalfongi lom ke God ac ahkinsewoyoye mwet kom karihngihn ke forfor luti uh? Nuh ke kuhtuh pac ma in etuh, som nuh ke [reliefsociety.lds.org](http://reliefsociety.lds.org).*

Luhlalfongi, Sucu, Kahsruh

God “El oakiyac sucu uh in use engan nuh sesr, in kahsruh luti kuht mwe luti pwacye ke inse luhngse, ac in ahkoe kuht nuh ke moul ma pahtpaht.”<sup>1</sup> Ke “plwacn wolacna luhn engan” luhn God uh (Alma 42:8), Prestuhn Russell M. Nelson, Prestuhn ke U luhn Mwet Sap Singucul Luo ah, el fahk: “Plwacn se lal uh fahkwack lah mukul ac muhtwacn uh elos ohinge ‘tuh elos in kuh in engan’ [2 Nephi 2:25]. Engan sacn tuhkuh ke kuht sulacnah in moul fal nuh ke plwacn ma pahtpaht luhn God uh.”<sup>2</sup>

Moul luhn Kraist in lohñ acse pacl wo in kapwack. Elder Richard G. Scott (1928–2015) ke U luhn Mwet Sap Singucul Luo uh el ahkuhtweyac lah oacna acn se “ma wosasuc uh lutiyuck we, olwelah uh liyeyuckyang, ac luhngse uh sesseslah,” ma sucu uh kuh in moulkihñ “sie moul ahkostwen” ac eklac “arlac akwucki kuh ke wosasuc luhn Jisus Kraist uh.”<sup>3</sup>

Prestuhn Henry B. Eyring, Mwet Kahsruh Se Met ke Prestuhñsi Se Met, el fahk: “Kuht kuh in otwelah muh kuht ac oruh ke kuhiyacsr kwewa in isyac kuh luhn inkuhsrao

nuh in sucu [lasr] uh.” Ac yohk na kuht ke ahkyohkye luhngse, kuhlwacnsap, ahkostwen ac engan in lohñ sesr sin “[tuhlihñ nahtuhsr uh] in lohng kahs luhn God ac srihke orekmakihñ ke luhlalfongi. Fin elos oruh, luhmahlos ac fah eklac ke atac ma ac tahknwelihk engan ma luhlalp suc elos suk.”<sup>4</sup>

## **Moul luhn Kraist in Lohñ an**

Oasr mwet srihkasrak lasr ke moul luhn Kraist in lohñ ah ke ma suhmuhslah uh. Tukun pahpah tuhmwacl, Lehi, el misac, Nephi el us sucu lal ac elos sahyac suc luhlalfongi ma sulkackihnyuck ac mwe fahkwack luhn God ac ma lohng kahs lal Nephi som liki acn luhn Mwet Laman ah. In acn sasuc se inge, Mwet Nephi ac in kuh in karihngihn nuhnuhñkuh, masap sihmlac, masap luhn Leum in ma nuh kwewa, in fal nuh ke masap lal Moses (liye 2 Nephi 5:6–10). Ne ke pacna inmahsrlon Mwet Nephi ac, kuhtuh selos fahfahlac ne eklac seahkostwenlac.

Ac ke pacl mempucr ke sucu lasr uh kuh in kuhtuh pacl uh som liki ma suwohswohs oacna Mwet

Nephi ac, Elder Scott el fahk lah iwen sie sucu ma srwackna moulkihñ Kraist “kahsruh yohk ip luhn mihslac ac karihngihnyuck in lohñ sesr uh.” El ahkkahlwemeye tari lah “ac tuhfeh puhs mwe srihkasrak kuh inse waek, tuh finne in pacl fohs, kuht kuh in moul engankihñ inse mihslac ac engan luhlalp.”<sup>5</sup>

## **Ma Suhmuhslah Ituckyang Sahyac**

3 John 1:4; 1 Nephi 8:12;  
2 Nephi 5:27

### **MWE KAHSRUH**

1. *Handbook 2: Administering the Church* (2010), 1.1.4.
2. Russell M. Nelson, “Celestial Marriage,” *Liahona*, Nohfuhmpuh 2008, 92.
3. Richard G. Scott, “For Peace at Home,” *Liahona*, Mei 2013, 30, 31.
4. Henry B. Eyring, “Luti Ke ‘Sucu Uh: Sie Mwe Fahkwack Nuh Facluh,’” *New Era*, Septempuh 2015, 5, 6.
5. Richard G. Scott, “For Peace at Home,” 31.

## **Nuhnkuh Ma Inge**

Meac kuht kuh in oruh in moul suwohswohs na in sucu lasr uh?